

КОМПОЗИЦИЯДА ЭСКИЗ БАЖАРИШ ОРҚАЛИ БАДИЙ ТАСАВВУРНИ ОШИРИШ

Имоматова Умида Мирпулатовна

Чирчик давлат педагогика университети

“Тасвирий санъат ва амалий безак санъати”

йўналиши 2-курс магистранти

Аннотация: Мазкур мақолада тасвирий санъат асарларини ишлашда эскизларнинг, айниқса композициянинг муҳим ўрни ҳамда аҳамияти ҳақида ёритилган.

Калит сўзлар: Тасвирий санъат, интеллектуал, педагогик таълим, иллюстрация, ноодатий композиция, графика, ассиметрия.

Бугунги глобал ўзгаришлар, ижтимоий-иқтисодий соҳаларнинг инновацион ривожланиши жараёнида педагогика олий таълим муассасалари битирувчиларини бозор иқтисоди талабларига мос рақобатбардош кадр сифатида тайёрлаш масаласи тоборо долзарблашиб бормоқда. Ҳозирги шароитда педагогик таълим тизимининг рақобатбардошлиги даражасини ошириш ва жаҳон стандартлари даражасига кўтариш муаммоси тоборо кескинлашиб бормоқда. Бу муаммонинг ечимини топиш узлуксиз таълим тизимидағи барча соҳалар учун ҳам асосий вазифалардан ҳисобланади. Дунё цивилизацияси, инсониятнинг интеллектуал ривожланишида тасвирий фаолиятнинг алоҳида ўрни бор. Ўзбекистон Республикаси Президентининг 2022-йил 28-январ ПФ-60-сонли 2022-2026 йилларга мўлжалланган “Янги Ўзбекистоннинг Тараққиёт Стратегияси” тўғрисидаги фармони имзоланди. Бу стратегиянинг “Маънавий тараққиётни таъминлаш ва соҳани янги босқичга олиб чиқиш” деб белгиланган 5-йўналишида айнан санъатимизда қатор янги ўзгаришлар кутилаётганини кўрсатади. Бу йўналишнинг мақсадларидан бирида “Тасвирий ва амалий санъат ҳамда дизайн йўналишларини ривожлантириш, аҳолининг бадиий эстетик дидини юксалтириш” каби масалалар қайд этилган. Жумладан:

1. Атоқли Ўзбекистон халқ рассомлари ва амалий санъатни усталарининг наъмунали ҳаёти ва ижодини кенг тарғиб қилиш ҳамда улар хотирасини агадийлаштириш;

2. Ўзбекистон тасвирий ва амалий санъатини халқаро даражада оммалаштириш;

3. Тасвирий ва амалий санъат ҳамда дизайн йўналишларида етук мутахассисларни тайёрлаш тизимини такомиллаштириш каби чора тадбирларни 2022-2026- йиллар ичида амалиётга тадбиқ етиш кўзда тутилган. Шу янги фармон ҳозирда долзарблик касб етаётган масалаларнинг ечимини топишга ва уларни хар томонлама ривожлантиишга ҳизмат қиласди. Бу орқали

бажарилган саъй-ҳаракатларимизни нафақат юртимиизда балки, бутун дунёга кенг ёишишимизга катта куч манбаи бўлди десак адашмаган бўламиз.

Шундан келиб чиқиб, айтиш мумкинки, инсоннинг ижтимоий фаолияти ибтидосидан бошлаб тасвирий санъат таълими ёш авлоднинг тасаввури, бадиий тафаккури, маънавий дунёсини шакллантиришга муносиб хизмат қилиб келган. Санъат тарихида буюк рассомлар томонидан яратилган энг машҳур асарлар жуда кўп изланишлар натижаси эканлиги барчамизга маълум. Шундан келиб чиқиб, айтиш мумкинки, ҳар бир тасвирий санъат асари инсон маънавиятига кучли таъсир этувчи маълум маънодаги бир илмий-тадқиқот изланишидир ва жуда сермашаққат меҳнатлар самараси. Бу асарлар маълум бир композиция қонун-қоидаларига бўйсуниб яратилган бўлиб, уларда мукаммал ғоялар мужассам.

Замонавий тасвирий санъат ўқитувчиси буни яхши тушуниши ва уни ёшларга мукаммал етказиб бера олиши лозим. Бунинг учун аввало, тасвирий санъат асари яратилиш жараёни ҳақида аниқ тасаввур ва билимга эга бўлиши талаб этилади. Ижодкорларнинг маълум даражадаги билим, кўникма ва малакаларга эга бўлиши унинг қандай даражадаги тасвирий санъат асарлари, турли композициялар яратишини белгилайди. Тасвирий санъат йўналишидаги рангтасвир ва композиция машғулотларида талабаларга турли композициялар бажаришида буюк рассомлар, рассом-педагоглар тажрибасидан унумли фойдаланиш зарур. Ўқувчиларга тасвирий санъатни ўқитишда амалий вазифани маълум изчиллиқда бажариш таълим сифатига ижобий таъсир кўрсатади.

Тасвирий санъатда бадиий асар ёки унинг алоҳида қисмлари ғоясини акс эттирувчи дастлабки қоралама хомаки асар - эскизнинг аҳамияти катта. Эскиз - бу тасвирий санъатдаги расмнинг бир тури, асарнинг алоҳида қисмларининг дастлабки ғояси. Эскиз ёрдамида рассом асосий композицион вазифаларни ҳал қиласи. "Эскиз" атамаси француз тилидан келиб чиқкан бўлиб (frans. esquisse)- рассом ишламоқчи бўлган асари ёки тасвирнинг олдиндан қилинган тахминий иши деган маънони билдиради¹¹.

Эскизларнинг пайдо бўлиши Уйғониш даврига тўғри келади. Бизга Пиеро делла Франсесса (тажминан 1420-1492), Леонардо да Винчи (1452-1519), Микеланжело Буонарроти (1475-1564) Рафаел Санти (1483-1520), Тициан (1488/90 – 1576)ларнинг эскизлари етиб келган. Эскизлар туфайли Уйғониш даври рассомларининг яратмоқчи бўлган образлари кўринишини тасаввур қилиш мумкин бўлди. Баъзи санъатшуносларнинг фикрига кўра, таниқли кулранг сочли чол портети эскизида Леонардонинг ўзи тасвирланганлигини кўрамиз. Тажрибали рассом ижодий ишида эскизгача ҳам бир нечта қораламалар бажариб, композициясининг энг маъқул варианти устида изланиш олиб боради. Бунда бўлажак асарнинг композицион ёчими

¹¹ Султанов Х.Э. Рангтасвир (Акварелда натюроморт ишлаш) // Ўқув қўлланма Т.:“VNESHINVESTROM” МЧЖ, 2019. 161 б.

шаклларнинг фазовий кенглиқда жойлашуви ва уларнинг ўзаро нисбатлари белгилаб олинади. Графикадаги эскизлар рангтасвирда уларнинг тасвирлаш воситалари сифатида хизмат қиласи. Эскиз – эркин, тез қоралама тарзида бажарилади.

Бу жараёнда рассом албатта, мувозанат, ритм, симметрия, ассиметрия каби рангтасвир композицияси ишлаш қонун-қоидаларини яхши ўзлаштирган бўлиши керак. Кўп ҳолларда эскиз мустақил асар дарражасига кўтарилиш ва бадиий қийматга эга бўлиши ҳам мумкин. Эскизлар асосан ўлчами кичик хажмда бўлиб, унда рассомлар геометрик шакллардан фойдаланиб, қизиқарли ва ноодатий композиция яратишган. Бундай суратларга рассомнинг ғоясини ифодалайдиган бирор воқеликнинг тасаввурдаги ҳолатини акс эттирган асар учун бадиий изланишлар сифатида қаралади.

Тасвирий санъатда талабаларга бадиий асар композициясини яратишда назарий қонуниятларнинг ўрни, ўқитиши методикасини шакллантириш, жисм шаклларини масофадан кўриш ва тасвирлашни ўргатиш жуда муҳим.

Манзара композицияси ишлашда ўзига хос қонун қоидалари мавжуд бўлиб, ҳар бир форматнинг ўзи композиция ҳар исказ композиция қонунларига асосланиб ишланган бўлиб, ассиметрия, ритм, тус жиҳатдан чиройли топилган. Ҳар хил техникалардан фойдаланиб эскизни туш қалам, ручка, ретуш, соус билан ишлаш мумкин.

Ижодкор учун композиция яратишда доимий равишда алоҳида деталлар, материаллар йиғиши талаб этилади. Масалан: ҳар хил кўринишидаги тошлар, ўт-ўланлар, бута ва дарахтлар, булутлар, тоғларнинг турли ракурсдаги чизмалари шулар жумласига киради. Манзарадаги умумий кўринишини тусларда ифодалаб, композицион кўриниш янада аниқлаштириб борилади. Кейинги босқичларда натурадан куннинг ҳар бир пайти тонг, шафақ, туш ё кечки оқшом кўринишиларидан ранглархалар ёзиш билан давом эттирилади. Бунга буюк ўзбек рангтасвир устаси Ўрол Тансықбоевнинг “Жонажон ўлка”, “Менинг қўшиғим”, “Оқшом” каби асарлари мисол бўла олади. Уларда ранг ечими орқали воқеликнинг умумий ранг тизими хусусиятлари, композициявий ечимлари, миллий колорит, орқа ва олдинги планлар маҳорат билан ажратилганлигини кўришимиз мумкин Шуни эсдан чиқармаслик керакки, рангтасвир асарини битиргунга қадар композицион кўриниш тинмай мукаммаллаштирилиб борилади. Бунда табиатнинг ўзидан аниқ кўчирмасдан, ўйланган асар бадиийлаштирилиб, унинг мазмуни ва ғоясини бойитиб композицион яхлит кўринишга олиб келинади.

Хулоса ўрнида айтиш мумкинки, рангтасвир композицияси яратишни бадиий-тадқиқот ишига тенглаштириш мумкин. Чунки, ҳар қандай асар ўзига хос, ижодкорнинг қалб қўри билан яратилган бетакрор ижод маҳсули демақдир. Бўлажак тасвирий санъат ўқитувчилари манзара жанрида композиция эскизи ишлаш методикаси, уни бажариш кетма-кетлиги ва босқичлари тўғрисида етарли билим, кўникма ва малакага эга бўлиши зарур.

Тасвирий санъат асарларини кузатганда ундаги ҳар бир образнинг психологик кечинмалари қандай ечилганлиги, уларнинг теварак-атрофга бўлган муносабатини тўғри кўрсатиб бера олиш ҳам муҳим ўрин эгаллайди. Шунинг учун рассом композицияда ранглар жилоси, воқеликни ишонарли тарзда тасвирлаши муҳим. Рассом ҳар бир асар учун унга хос ранглар ечими, ўлчам, формат танлаши ўз ижодий маҳоратини тўлароқ намойиш этишига ёрдам беради. У картинасида ҳар бир шакл хусусияти, умумий колорити, тасвирланаётган юзанинг характеристига (масалан, холстъ юзасининг силлиқлиги ёки ғадир-будурлигига) ҳам эътибор бериши, улар нима учун айнан шундай олинганига жавоб топишга ҳаракат қилиш зарур. Шундагина тасвирий санъат асарларининг асл моҳиятини тушуниб етиш ва уларни тўғри таҳлил қила олишни ўрганиш мумкин. Тасвирий санъатни қанчалик даражада ўрганмайлик, унинг охиригача етиш мушкул масала бўлиб қолмоқда. Ушбу фанни ўқитишида турли методлар ва усуллардан фойдаланиб келинмоқда. Тасвирий санъат дарсини ўқитишида ёшларнинг тасаввурини, тафаккурини ривожлантиришга ҳаракат қилиш лозим. Биз ёш авлод тасвирий санъатни янада дунё миқёсида чўққиларга чиқариш йўлида курашмоғимиз ва доимий ҳаракатда бўлишимиз шарт ва зарур. Буюк аждодлар бебаҳо меросини асрраб-авайлаб, келажак авлодга етказиш, замонавий тасвирий санъат дурдоналари орқали сайёҳлар онгida буюк давлатимиз тарихини мужассамлаштиришга эришиш зарур. Маданий мерос ва миллий туризм фақатгина иқтисодий даромад манбаи сифатида емас, балки миллий тасвирий санъат тарихи тарғиботчиси сифатида ҳам эътироф етилишига сабаб бўлади. Бугунги кунда тасвирий санъат машғулотларини такомиллаштириб борилиши ва дарслар самарадорлигига эришишнинг қатор методик асослари ишлаб чиқилмоқда. Композиция ишлашда эскизлар бажариш орқали ижодкорнинг бадиий тафаккурини ошириш, тасаввур оламини кенгайтириш, ижодий фикрлашини янада бойитиш мумкин.

ФОЙДАЛАНИЛГАН АДАБИЁТЛАР:

- Султанов, Х. Э., Марасулова, И. М. Ижодий тўгараклар орқали ўқувчи-ёшларнинг маънавий тарбиясини шакллантириш // The journal of academic research in educational sciences. volume 1, ISSUE 2 october 2020. Page 391-398.
- Султанов Х.Э. Таълим муассасалари ҳамкорлигининг кластерли моделини ташкил этиш // «Муғаллим ҳәм үзликсиз билимленидириў» № 3-2 Нөкис — 2021. 73-76 б.
- Султанов Х.Э. Рангтасвир (Акварелда натюроморт ишлаш) // Ўқув кўлланма Т.:“VNESHINVESTROM” МЧЖ, 2019. 161 б.
- KE Sultanov Cluster Approach in Fine Art Education as a Factor for Improving the Educational System /International Journal of Multicultural and

Multireligious Understanding// Volume 9, Issue 2 February, 2022 Pages: 585-593
2022;

5. Doston Abduvoitovich Berdiyev/ Maktablarda tasviriy san'at fanini o`qitishda kelajak ta'limi steam interaktiv ta'limini rivojlantirish / "Science and Education" Scientific Journal/ ISSN 2181-0842 February 2022// Volume 3 Issue 2 Pages: 687-690;

6. Бердиев Д.А., Султанов Х.Э. Тасвирий санъатда кластер ёндашуви сифатида стеам таълимини татбиқ этиш // Интернаука/ 2022.4.23. Том 7 №15, стр. -13-14;

7. Laylo Mirsoatova/ Use of innovative methods in the development of students' creative abilities / Current research journal of pedagogics (ISSN –2767-3278) volume 03 issue 01Pages: 45-49;

8. Султанов Х.Э. Тасвирий санъатнинг ўқувчилар интеллектуал-ижодий салоҳиятига таъсири // замонавий таълим / современное образование 2022, № 9. -50-57 б.

9. Султанов Х.Э., Бойназарова Н.Х., Бердиев Д.А., Мирсоатова Л.Ў., Маматкаримова М.Т. Кластер ҳамкорлигига ижодий фаолиятни ташкил этишнинг ўқувчилар маънавий-ахлоқий тарбиясидаги аҳамияти //“Yangi o’zbekistonda pedagogik ta’lim innovatsion klasterini rivojlantirish istiqbollari” mavzusidagi xalqaro ilmiy-amaliy anjuman materiallari /may 1-qism CHIRCHIQ – 2022. 613-620 б.

10. Imomatova U., Nutfullayev M. Tasviriy san'at darslarida yoshlarga o’zbek milliy tasviriy san’atni o’qitishning psixologik asoslari //Proceedings of International Conference on Educational Discoveries and Humanities/ -2023: 2(2), -204-207 б.

11. Imomatova Umida. Mustaqillik davrida tasviriy san’atning rivojlanish tendensiyalari // "Science and Education" Scientific Journal/ -2022: Volume 3 №8 Pages: 175-182.

12. F. Bozorov. Ijodiy to’garaklarda yoshlarni tasviriy san’atdan tavirlash malaka va ko’nikmalarni shakllantirish metodikasi - Science and Education, -2022: 130-136